

Апака Синаңиқ полъасиюныхтуқамаўк. Ыльңа акуна атуситумаўк. Саюаққан акуна мелькынегутақуқ игўисикальҳа, таўатын апығақа апани Елизаветам, Атум панен.

Қаханкыхтыпихльыге.

Пеқаңа, амалъи илисимакан саюақайъак Нутетегылъу саю-ты «Натын нануқ туқусимаят». Атусимауқ Синаңиқ-ам, саюси-мак Нутетегылъу атасикун. Тана ңан мугусильты мугусималу-ни нанугамалге. Тана на қатңусимакик Хабаровскимун. Тагани фестивалы ыглыгутңатхуң. Қонырың маюегмит атутуқамат, полъаситуқамат. Акуна ныкнеюқамалгит.

Апака Синаңиқ қонпың ораң қанытуқамаўк Ынкам аныңани Ияйын илини пупйъагыохтыфкақа, суна лъыган айъақыхпынан қанығаққан, илумулуку қанытуқ.

Атутынлъамаўк-ам ынкам Нутетегылъу саюсимак. Атутытуқақ қонпың, угланың атусимауқ. Изба-читальними на калъыхтақылгит полъасильтыт, нами илисахтут. Лъыган касутақылгит салильтың. Углат нувуқахмит атуситуқамалгит.

Киңоку нутапик илаңсехкыт Гуэңымун. Тагани ңан сали ансамблыңитақылге. Гўэңымун, гуқ, қатнумауқ қимухсимың. Нунаниқумахкыт ынкам, гуқ, тунумет ынлықналғеның алңаның. 1923 гиўгими туюмат делегатнулуку нутум нуналгыт катымалъханун. Гўэңыми тана ыглыгусимакит.

Амта тагавык қатнумалгик қимухсимың. Хўаңкуни лъимтағоқуқ алңашақ. Акулңини катымаямалгит акумғақуқ апаут. Аңуйит авреның альуни. Акуна Синаңим илисимакума индисит улот. Натын на иленилъу регаль капильтыңулуни ыкы-тумалге анъяхлъўинун аңуяпит – агвыгнехтыт.

Апака сивулилуни итхумаўк артелымун. Акуна акисахтыңумаўк кооперациями. Тамани укйъугак кимаўгеқылгит укпыңғалгит, артелыт тамакут тумахнақумалуки. Атасимың